



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-311-5/20**
Datum: **24.09.2020. godine**

„Agencija za vodno područje rijeke Save“ Sarajevo rješavajući po zahtjevu Javnog preduzeća „KOMUNALNO“ d.o.o. Breza za donošenje rješenja o vodnoj dozvoli za ispuštanje tehnoloških otpadnih voda iz postrojenja za kondicioniranje vode za piće za potrebe grada Breza na lokalitetu Dabravine – Hodžići, općina Vareš, na osnovu člana 139. stav 1. tačka 3. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola Javnom preduzeću „KOMUNALNO“ d.o.o. Breza za ispuštanje tehnoloških otpadnih voda iz postrojenja za kondicioniranje vode za piće kapaciteta 40 l/s za potrebe grada Breza, izgrađenog na zemljištu označenom kao k.č. broj 1474/5 K.O. Striježevo, općina Vareš.
2. Vodna dozvola se daje na osnovu dostavljene dokumentacije, uviđaja na objektu, utvrđenog činjeničnog stanja i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenja ili uništenja.
 - 2.3. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda iz postrojenja, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20). Rezultate analiza dostaviti ovoj Agenciji.
 - 2.5. Da se u toku važenja ove dozvole, prema postojećoj dokumentaciji, izvrši izgradnja lagune za tretman zamuljenih voda od pranja filtera sa oknom za monitoring prečišćene vode prije ispusta u rijeku Stavnju.
 - 2.6. Korisnik objekta je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Korisnik objekata je obavezan vršiti plaćanje posebne vodne naknade u skladu sa Zakonom o vodama („Službene novine Federacije BiH“ broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16).
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu –postrojenju za kondicioniranje vode, korisnik zaštitnih vodnih objekata nije odgovoran za nastale štete.

6. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti Rješenja.
9. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće „KOMUNALNO“ d.o.o. Breza, obratilo se ovoj Agenciji, dana 21.07.2020. godine, sa zahtjevom za donošenje rješenja o vodnoj dozvoli za ispuštanje tehnoloških voda iz postrojenja za kondicioniranje vode za piće za potrebe grada Breza, kapaciteta 40 l/s, na lokalitetu Dabravine, općina Vareš.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, broj: 043-0-RegZ-20-001320 izdatog 11.06.2020. godine od strane Općinskog suda u Zenica,
- Ovjerena kopija Uvjerenja o poreskoj registraciji, izdatog dana 18.04.2014.godine od strane Porezne uprave-Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje BiH,
- Ovjerena kopija Obavještenja o razvrstavanju pravnog lica prema klasifikaciji djelatnosti, broj: 07-32.5-94941/20 izdatog dana 14.02.2020. godine od strane Službe za statistiku za područje Zeničko-dobojskog kantona,
- Dokaz o uplati upravne i administrativne takse,
- Punomoć zastupnika podnosioca zahtjeva, broj: 04-2-2202/20 od 17.02.2020. godine,
- Kopija Pravilnika o održavanju, korištenju i osmatranju objekata komunalnog vodovodnog sistema Breza, broj:1621-31-05-13-2/18 od 31.05.2018. godine,
- Kopija Rješenja kojim se odobrava izgradnja postrojenja za kondicioniranje vode za piće, broj: 02/4-23-2-86/08 izdatog dana 10.09.2008.godine od strane Načelnika općine Vareš,
- Kopija Rješenja kojim se odobrava upotreba postrojenja za kondicioniranje vode za piće, broj: 02/4-23-5-4474/11 izdatog dana 28.09.2011.godine od strane Načelnika općine Vareš,
- Kopija Rješenja o vodnoj dozvoli, broj: UP-I/25-3-40-467-4/11 izdatog 20.09.2011.godine od strane ove Agencije,
- Kopija Izvještaja komisije o izvršenom tehničkom pregledu izvedenih radova na predmetnom objektu od septembra 2011.godine,
- Glavni projekat Postrojenja za kondicioniranje vode za piće za potrebe grada Breza, Q=40 l/s – Knjiga I – Hidromašinski dio, urađen juna 2008. godine od strane «Simens» Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je obilazak predmetnog postrojenja te je sačinjen zapisnik o izvršenom uviđaju broj: UP-I/25-3-40-311-4/20 od 17.09.2020. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Postrojenje za kondicioniranje pitke vode za potrebe vodosnabdijevanja grada Breza izgrađeno je na lokalitetu Dabravine – Hodžići na teritoriji općine Vareš. Kapacitet postrojenja je 40 l/s.

Na postrojenju se prečišćavaju vode sa otvornog vodozahvata Mala rijeka, koje se nakon tretmana odvođe do izvorišta Milkino vrelo i koriste se za prihranjivanje istog.

U postrojenju za pripremu pitke vode odvijaju se sljedeći procesi: aeracija i oksidacija, koagulacija, flokulacija i taloženje, filtracija i dezinfekcija.

U objektu su instalirani elektronski mjerači protoka za sirovu i prečišćenu vodu.

Otpadne tehnološke vode potiču od odmuljivanja dinamičkog taložnika, pranja filtera, bazena, posuda za pripremu hemikalija, radnih površina, prostorija i pogonske laboratorije. Pranje filtera se vrši filtriranim vodom, pumpama koje su predviđene za pranje, a rastresanje filterske ispune vrši se komprimiranim zrakom. Pranje filtera se obavlja po potrebi u zavisnosti od mutnoće zahvaćene sirove vode i vode od pranja filtera su opterećene suspendovanim materijama odstranjenim u procesu filtracije. Otpadne vode nakon pranja odlaze do muljnog ispusta a zatim u rijeku Stavnju.

Projektnom dokumentacijom je predviđena izgradnja laguna za tretman zamuljenih voda (taloženje i bistrjenje) od pranja filtera sa ispuštanjem prečišćene vode u rijeku Stavnju. Lagune nisu izvedene i zamuljene vode se bez tretmana ispuštaju u vodotok.

Podnosilac zahtjeva uplatio je posebne troškovi prema Zaključku ove Agencije broj: UP-I/25-3-40-311-2/20 od 18.08.2020.godine.

Razmatrajući podneseni zahtjev, a na osnovu utvrđenog činjeničnog stanja i uviđaja izvršenog na Postrojenju za kondicioniranje vode za piće, podnosiocu zahtjeva su ovom vodom dozvolom, u dispozitivu Rješenja propisani uslovi u skladu sa odredbama Zakona o vodama, Pravilnika o sadržaju, obliku, uvjetima načinu izdavanja i čuvanja vodnih akata te odredbama i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva JP „KOMUNALNO“ d.o.o. Breza, ispunio minimum uslova za izdavanje vodne dozvole za ispuštanje tehnoloških otpadnih voda iz postrojenja za kondicioniranje vode za piće kapaciteta 40 l/s za potrebe grada Breza, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl. inž. građ.

Po ovlaštenju
Rukovodilac Sektora za izdavanje vodnih akata


Haris Ališehović, dipl. inž. građ.

Dostaviti:

- JP „KOMUNALNO“ d.o.o. Breza
ul. ZAVNOBIH-a br. 6, 71370 Breza
- Ⓢ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava